

Beat Jäggi

Paul Meier

Friede schänke

C, C (C-Dur) (2 st. Jodel)

Isch d'Ärde no so feischer, der
Friede ändlos wyt, wird d'Liebi
z'letscht doch Meischer, s'het alls,
s'het alls si Zyt. Wird d'Liebi
z'letscht doch Meischer, s'het alls,
shet alls si Zyt.

Du Mönsch chasch s'Chrumme
grede, wenn gueti Gsinnig treisch.
Muesch nume s'Härz lo rede und
dänk, und dänk was seisch.
Muesch nume s'Härz lo rede und
dänk, und dänk was seisch.

So chasch du gwüss zum Friede
am Änd au öppis gäh; doch
zerscht muesch du do nide der
Mönsch als Mönsch a-näh. Doch
zerscht muesch du do nide der
Mönsch als Mönsch a.näh.